

債權者提款歸還。

十 違背本條例第七十三條之規定。分派公司財產。

附則

第二百五十條 關於商人通例及商事條例。別以教令定之。  
第二百五十一條 本條例施行期。以施行細則定之。

●裁撤川邊經略使兼都督事任命張毅爲川邊鎮守使歸四川都督節制……原任川邊經略使兼都督事尹昌衡。留京另候任用。

●任命汪聲玲會辦福建軍務

●任命戚朝卿爲熱河民政廳長舒和鈞兼任熱河軍政廳長

●任命王含棠署甘肅國稅廳籌備處處長

同 十四日

●公布修正陸海軍勳章令第十條(教令第五十號)

一 二三等白鷹勳章。佩上衣第一紐上。一二等文虎勳章。佩左胸部大綬上方。普通章下方。三等文虎勳章。佩上衣第一紐上。各種一二等勳章有副章及大綬。綬色一等紅。二等黃。佩左胸至右脇下。副章綴於綬端。三等文虎勳章。有綠色領綬一條。四等至九等勳章。均小綬。佩上衣左襟之上。四等至六等綬綠色。七等至九等綬藍色。小章由左脇旁起向右排

列。小章多時加銅插於大綬之上。以使併列而資佩帶。

●裁撤稽勳局……國務總理呈稱。查臨時稽勳局。本係臨時設立之機關。自開辦以來。將近兩年。調查開國勳勞暨審議賞恤各案。已有端緒。自應早日結束。以節經費。上年九月間。飭令該局長將應辦事項。從速趕辦。會據呈覆。擬儘年內呈報完竣在案。茲據該局長許寶衡呈稱。本局各案經由各省調查會暨各省都督各軍將領及本局調查員分別報告到局。卷册浩繁。情事複雜。本局原設審議員僅有八人。又經裁撤數人。不敷辦理。經派調查各員並聘用襄辦審議數員。幫同審議。三月以來。昕夕從事。現在甫將審議手續辦理完竣。統計各案。應恤者約及萬人。應賞者約三萬餘人。各省原有之報告。既凌亂無章。而從事審議。又復迫於期限。不能不格外從速。現在草册雖已粗具。而檢校修正。頭緒尙繁。即繕寫正册。清釐餘案。亦非一二月不能畢事。擬乞呈請大總統命令。先將本局裁撤。並酌留人員辦理餘務。以符期限而節糜費等語。擬請照辦。至該局裁撤後。一切案卷册籍及應辦事件。即可附屬本院。不另設立名目等情。當奉大總統批。據呈已悉。准如所擬辦理。

## 外國大事記

民國二年十二月一日

●德國亞爾撒斯之官吏衝突……德國亞爾撒斯州之變亂。文武官吏。互相誘罪。大起惡感。德國議會已提起質問。

同 二日

●法國內閣辭職……法國政府因提出議會之公債案爲下議院否決。內閣員全體辭職。

同 三日

●墨西哥政府軍之窮迫……墨西哥駐紮濟華匯市之政府軍。因水道糧運被絕。悉數退出。該市現被革命軍維拉將軍占領。並將進攻首府。

同 四日

●土耳其聘用德將……土耳其皇下詔。聘德國陸軍中將山達士爲高等軍事會會員。並充第一軍司令。加大將銜。

同 四日

●德議會詰責政府……德國議會對於亞爾撒斯州事件。決議歸罪政府。德帝已從議會之意。令首相與該地文武官協商後。即將侮辱民衆之軍官。開軍法會議處分之。並令將該軍隊調往他處。

同 五日

●英皇詔禁軍器運入愛爾蘭……英皇下詔。禁止將戰爭適用之槍彈炸藥等軍器。運入愛爾蘭。惟開礦及遊獵用者。不在此限。

同 六日

●英國愛爾蘭罷業未已……英國愛爾蘭都伯林罷業以後。廠主與罷業者屢開談判。迄無效果。現在談判業已決裂。

25551 ●亞爾巴尼亞內江……亞爾巴尼亞國中。有兩族在斯克泰里市

分黨戰爭。死傷甚衆。旋經列國干涉。復退出市外繼續激戰。

同 八日

●法國新內閣成立……法國急進派茹斯頓杜抹爾克氏。已擔承組織內閣之任。其外交總長一席。即由總理兼任。

同 九日

●墨西哥首府之戰鬪……墨西哥政府軍與革命軍。將在首府開戰。墨總統已通告旅墨外人。准其退出戰鬪區域。

同 十日

●墨西哥政府軍與革命軍劇戰……墨國革命軍大隊。進攻坦瑟谷。政府軍極力抵禦。戰爭至烈。美德英各國艦隊司令官。均在灣內艦上觀戰。若僑民受害。即時乘機登陸。

同 十一日

●法屬撒哈拉之亂……法國得撒哈拉報告。該地安格拉加要塞被奪。將校戰死者四人。負傷者三人。兵士死傷共三十餘人。

同 十二日

●英國愛爾蘭自治問題之交涉……英國朝野兩黨派。對於愛爾蘭自治問題。始開交涉談判。

同 十三日

●墨西哥革命軍侵入英國領事館……墨西哥在濟華匯之革命軍。乘英領事外出之際。侵入英國領事館。拘捕在內避難之大地主某氏之子。勒令出金自贖。及英領事歸館後。不許英領事告其事於駐墨英公使。

同 十三日

●瑞士推任大總統……瑞士聯合會議。推任現任副大總統爲一九一四年之大總統。現內閣總理大臣爲副總統。

25552

●墨西哥革命軍戰敗……墨西哥政府革命兩軍坦瑟谷之戰。革命軍被政府軍戰敗。退出該地。

●美國議決排斥亞洲移民案……美國下院移民調查委員會。已將移民限制法修正案議決。該法案載明排斥一切亞洲工人。

同 十四日

●英法俄質問土耳其……駐土英法俄三國大使。對於土耳其政府。提出本國政府之質問書。要求該國政府發表關於聘德國陸軍教官權能之宣言書。

●日本軍艦進水……日本巡洋戰艦榛名。本日在川崎造船所進水。

同 十五日

●希臘併合克利地島……希臘國王及國務總理。宣言克利地島併合於希臘王國。即在該島舉行併合之禮。

●英國巨艦進水……英國戰鬪巡洋艦猛虎號進水。該艦噸數約三萬噸。並有十萬馬力一時間三十節之速力。實為英國自昔未有之巨艦。

●墨西哥革命軍對外之橫暴……墨西哥濟華匯革命軍將官維拉。強奪外人財產。並令各國商人出助軍餉。令各國領事。均服從其命令。

同 十六日

●英國對於多島海島嶼問題之主張……英國發同文通牒。提議義大利占領之多島海島嶼。合併於該國。並將安布羅斯及開納特斯兩島交還土耳其。

同 十八日

●亞爾巴尼亞希臘軍撤退展期……英國提議亞爾巴尼亞南部之希臘軍。展期至二月撤退。三國同盟國。已表同意。

同 十九日

●英國新西蘭罷業終息……英國新西蘭罷業事件。業已妥協。各組合以礦工為主。現在礦工已均復業。

同 二十一日

●英國海軍大臣遊法……英國海軍大臣邱吉爾遊法。考察法國軍用飛行機。

同 二十二日

●阿比西尼亞王薨……阿比西尼亞王梅納利克薨。王以千八百八十九年即位。在位二十五年。年七十一歲。

同 二十三日

●美國下議院通過改革幣制案……美國幣制改革案。在下議院以多數議決。

同 二十四日

●墨西哥革命軍奪回要地……墨西哥政府軍與革命軍激戰後。忒列盎又為革命軍奪回。死傷甚衆。

同 二十五日

●美國羅散善斯市擾亂……美國羅散善斯市警官。因解散無職業者之集會。突起暴動。死者一人。負傷者三十人。市內戒嚴。

同 二十八日

●阿拉伯自主之運動……阿拉伯諸會長運動土耳其承認其自主。

同 三十日

●瑞典王太后崩……瑞典王太后。因肺疾而崩。